



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa
Tribunál Distritál Suai
17 Marsu 2017

Tribunál Distritál Suai kondena pena tinan 7 prizaun ba arguidu kazu abuzu seksuál ba menór ho aktu seksuál relevante

Iha 08 Marsu 2017, Tribunál Distritál Suai prezide leitura akordaun no kondena arguidu AST ho pena prizaun tinan 7 tanba provadu komete krime abuzu seksuál ho aktu relevante hasoru lezada ho menordade ho tinan 11 ne'ebé nu'udar arguidu-nia viziñu iha Distritu Manufahi.

"Kazu krime envolve labarik menordade kontinua aas iha Tribunál sira, tanba ne'e kondenasaun ne'ebé Tribunál aplika atu lori arguidu sira ba prizaun nu'udar dalan ida atu prevene krime hanesan akontese iha futuru tantu prevene komidade in-jerál no arguidu rasik," dehan Diretór Ezekutivu JSMP Luis de Oliveira Sampaio.

Tribunál deskobre arguidu tama ba lezada nia kuartu laran kaer lezada nia hirus matan no susu lezada nia hirus matan.

Tribunál konsidera arguidu kontra artigu 177 alineaia(2) kona-ba prátika aktu seksuál relevante ho labarik ne'ebé seidak tinan 14 sei hetan pena prizaun tinan 5 to'o 15 no ho agravausaun bazeia ba artigu 182 alineaia 1 letra (a) KP kona-ba vítima nia idade ki'ik liu tinan 12 iha momentu ajente prátika faktu ne'e.

Tribunál prova faktus sira bazeia ba arguidu nia deklarasaun katak nia komete duni krime hasoru lezada, no bazeia mós ba lezada nia deklarasaun katak arguidu komete duni krime hanesan faktus husi akuzasaun Ministériu Públiku. Aleinde ne'e reforsa liutan ho depoimentu hosi lezada nia alin feto ne'ebé wainhira atu tama ba toba, haree ho matan arguidu prátika aktu seksuál relevante hasoru lezada no testemuña hase kedas no ameasa kesar arguidu ba nia inan no aman. Hafoin ida-ne'e arguidu hakfodak no halai kedas ba nia uma.

Desizaun tinan 7 ne'ebé Tribunál aplika nu'udar konsekuensia husi arguidu ninia hahalok. JSMP kondena makaas kualker forma aktu seksuál ka forma violasaun seksuál saida de'it hasoru feto no labarik sira. Tanba ne'e husu ba ema hotu liu-liu instituisaun relevante sira atu asegura protesaun ba labarik sira.

JSMP kontinua rekomenda atu aleinde aplika pena prizaun, Tribunál mós aplika indemnizasaun sivíl ba arguidu atu obriga arguidu rekupera fali sofrementu psikolojiku ne'ebé afeitadu hosi arguidu ninia hahalok. Indemnizasaun sivíl ne'e nu'udar meus ida ne'ebé di'ak no justu ba

Rua setubal, Colmera, Dili Timor Leste

PoBox: 275

Telefone: 3323883

www.jsmp.tl

info@jsmp.tl

Facebook: www.facebook.com/timorleste.jsmp

Twitter: @JSMPtl

lezada tanba lezada rasik mak sofre traumatiku no presaun psikolojiku. Liu-liu iha kazu violasaun seksuál sira ne'ebé envolve labarik menoridade ho maneira saída de'it sei fó impaktu ne'ebé grave tebes ba sira nia dezenvolvimentu sosiál no psiokolojiku no posivelemente bele moris ho trauma durante sira nia vida tomak.

Iha alegasaun finál, Ministériu Públiku mantein nia akuzasaun no husu ba Tribunál atu mantein kondena arguidu bazeia ba artigu artigu 177 letra(b) KP kona-ba abuzu seksuál ba menór no artigu 182 KP kona-ba agravasaun. Entretantu parte defeza husu ba Tribunál atu aplika pena ne'ebé mais adekuada ba arguidu tanba arguidu nu'udar estudante.

Kazu ne'e rejista iha Tribunál ho Númeru Prosesu: 421/pen/2016/TDS. Julgamentu akordaun ne'e prezide hosi representante juis koletivu Dr. Costácio Barros Basmery. Ministériu Públiku representa hosi Dr. Matias Soares no arguidu hetan defeza husi Dr. Albino de Jesus Pereira hosi Eskritóriu Defensória Públiku.

Atu hetan informasaun klean, favor kontaktu:

Luis de Oliveira Sampaio
Diretór Ezekutivu JSMP
Diresaun e-mail: luis@jsmp.tl
info@jsmp.tl